

Broj: 03-34-6-4747/26

Mostar, 17. 7. 2026. godine

Na osnovu Memoranduma o razumijevanju za uspostavljanje Koordinacije ministara obrazovanja i nauke Federacije Bosne i Hercegovine od 9. 12. 2024. godine, potpisanog između Federalnog ministarstva obrazovanja i nauke, broj 01-45-5928/24, Ministarstva za odgoj i obrazovanje Kantona Sarajevo, broj 11-34-53137/24, Ministarstva obrazovanja i nauke Tuzlanskog kantona, broj UP1-10/1-34-039567/24, Ministarstva za obrazovanje, nauku, kulturu i sport Zeničko-dobojskog kantona, broj 10-34-20075/24, Ministarstva obrazovanja, nauke, kulture i sporta Unsko-sanskog kantona, broj 10-34-14537-1/24, Ministarstva za obrazovanje, mlade, nauku, kulturu i sport Bosansko-podrinjskog kantona, 10-34-3965/24 i Ministarstva za visoko obrazovanje, nauku i mlade Kantona Sarajevo, broj 27-01/2-02-52497/24 i čl. 28. Odluke o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole, usvojene na sjednici Koordinacije ministara obrazovanja i nauke u Federaciji BiH, održanoj 16. 10. 2019. godine, od strane Ministarstva obrazovanja, nauke, kulture i sporta Unsko-sanskog kantona, broj 10-38-11568-1/19, Ministarstva obrazovanja/naobrazbe i nauke/znanosti Tuzlanskog kantona, broj 10/1-38-20483/19, Ministarstva za obrazovanje, nauku, kulturu i sport Zeničko-dobojskog kantona, broj 10-38-15337/19, Ministarstva za obrazovanje, mlade, nauku, kulturu i sport Bosansko-podrinjskog kantona, broj 10-38-3317/19, Ministarstva za obrazovanje, nauku i mlade Kantona Sarajevo, broj 11-38-37277/19, Ministarstva obrazovanja, nauke, kulture i sporta Hercegovačko-neretvanskog kantona, broj 05-01-40-2775/19 i Federalnog ministarstva obrazovanja i nauke, broj 06-38-8-3943/19, Federalno ministarstvo obrazovanja i nauke, Koordinacija ministara obrazovanja i nauke u Federaciji BiH, r a s p i s u j e

STALNI JAVNI KONKURS

za pribavljanje rukopisa udžbenika i drugih nastavnih sredstava za gimnazije, srednje tehničke i srodne, srednje stručne i srednje umjetničke škole

1. Za nacionalnu grupu predmeta, pravo prijave na Konkurs imaju svi registrovani izdavači u Bosni i Hercegovini, a za ostale predmete pravo prijave imaju i izdavači registrovani izvan Bosne i Hercegovine.
2. Konkurs se raspisuje za pribavljanje rukopisa udžbenika i drugih nastavnih sredstava za gimnazije, srednje tehničke i srodne, srednje stručne i srednje umjetničke škole.
3. Zahtjev za odobrenje udžbenika za gimnazije, srednje tehničke i srodne, srednje stručne i srednje umjetničke škole podnosi se Koordinaciji ministara

obrazovanja i nauke u Federaciji BiH putem Federalnog ministarstva obrazovanja i nauke.

4. Uz pomenuti zahtjev se prilaže:

- mišljenje kantonalnog ministarstva da rukopis udžbenika i drugih nastavnih sredstava zadovoljava stručne kriterije, da je rukopis usklađen sa kantonalnim nastavnim planom i programom i da je neophodno izdavanje tog rukopisa u skladu sa iskazanim potrebama kantona,
- rukopis udžbenika i drugih nastavnih sredstava u cijelom obimu, likovno-grafički oblikovan i jezički uređen, u četiri primjerka,
- dokaz o autorskom pravu,
- izjava lektora o jezičkoj uređenosti teksta, uz napomenu da lektor mora da ima univerzitetsku diplomu odgovarajućeg fakulteta, jezičkog smjera;
- dokaz da je izdavačka kuća registrovana u Bosni i Hercegovini i dokaz da izdavačka kuća uredno podmiruje poreske obaveze i doprinose;
- izjava da je autoru uža specijalnost oblast iz koje se piše udžbenik i druga nastavna sredstva;
- izjava po materijalnom i krivičnom odgovornosti da posjeduje pravo na suizdavaštvo sa nekom od izdavačkih kuća iz inostranstva (za izdavače udžbenika stranih jezika dozvoljena je saradnja – suizdavaštvo sa izdavačkim kućama iz inostranstva.)
- biografiju autora udžbenika i drugih nastavnih sredstava i
- stručno mišljenje tri recenzenta, eksperta za određenu oblast, od kojih dva moraju biti nastavnici za predmetnu oblast sa najmanje deset godina iskustva u školi.


5. Po prijemu navedene dokumentacije, Federalno ministarstvo obrazovanja i nauke će, na prijedlog Koordinacije ministara obrazovanja i nauke u Federaciji BiH, izdati rješenje o upotrebi udžbenika i drugih nastavnih sredstava, a udžbenik i druga nastavna sredstva će se uvrstiti na Spisak odobrenih udžbenika, radnih udžbenika i drugih nastavnih sredstava.

6. Udžbenici i druga nastavna sredstva za srednje škole, koji dobiju pozitivna mišljenja kantonalnih ministarstava, donošenjem rješenja za upotrebu mogu se koristiti u srednjim školama u svim kantonima koji ga prihvataju.

7. Rukopisi udžbenika i drugih nastavnih sredstava treba da budu pisani na bosanskom, hrvatskom ili srpskom jeziku.

8. Sve stranice rukopisa udžbenika i drugih nastavnih sredstava ovog konkursa treba da budu numerisane i uvezane.

9. Ovaj konkurs ostaje stalno otvoren do opoziva koji se mora objaviti na isti način kao i sam Konkurs.
10. Rukopisi i popratna dokumentacija se dostavljaju u posebno zapečaćenoj koverti, sa osnovnim podacima o izdavaču, na adresu: **Federalno ministarstvo obrazovanja i nauke, Ulica Krpića 3a, 88000 Mostar.**
11. Predani rukopisi udžbenika i drugih nastavnih sredstava neće biti vraćeni izdavačima.
12. Stalni javni konkurs za pribavljanje rukopisa udžbenika i drugih nastavnih sredstava za gimnazije, srednje tehničke i srodne, srednje stručne i srednje umjetničke škole, objavljen 27. 12. 2017. godine u dnevnim listovima „Oslobođenje“ i „Dnevni list“ prestaje da važi.



MINISTRICA
J. Duraković
prof. dr. Jasna Duraković